

憲宗大王實錄

卷之五

寅壬丑辛

0230298
1105



國立臺灣大學圖書館典藏
由國家圖書館數位化

230298

民國7.10.10

丑辛

憲宗經文緯武明仁哲孝大王實錄卷之八

七年

清道光十一年

二

正月

丁亥

以金左根為吏曹叅判李應植為三道水軍統制使

燕慶尚右道水軍節度使○戊子○己丑以李淵祥為司諫院大司諫○庚寅

上詣仁政殿親傳社稷祈穀大祭香祝○辛卯○壬辰賓廳啓言臣等際國家

罕有之慶稽祖宗已行之典爰自撤簾命下之初既已發端於慈號之加隆矣

迺者前席縷縷陳請寔天理人情之不容已八域含生之所顙祝也泥金檢玉

備其禮也摸日繪月稱其文也慈德因此而益闡聖孝因此而益光列朝在天

之靈因此而益有所悅豫焉則臣等之齊聲仰籲是豈可已而不已者乎惟我

太母殿下德符任姒功兼勳華履翟禴之位資龍飛之運睢葛之頌四十年如

一日保佑我聖考啓迪我神孫本支之衍永基千億則此又配美於思齊生民

之盛者也及當甲午崩圻之變國勢綴旒岌岌有莫可扶持之危而勉御簾帷

翊護冲辟夙宵憂勤不遑自寧飢饉之患恤則頻減正賦服御之儉約則先損

上供而蕩邪穢以明人彛討亂逆以嚴天紀首尾七年之間凡維持而鞏固依

賴而涵育者繫誰之賜也今我聖上誕撫鼎盛之籌親揔萬幾我太母光撤儀

鸞之簾願養長樂斷自慈衷渙發慈教此誠從古后妃所未有之盛德大業也

其所以揚徽聞烈報答洪休之方以我殿下卓越之孝固當靡不用極而臣等之言斷斷非無稽之文則太母殿下豈可徒執謙抑俾彛章墜而緡儀缺也耶且伏念太母戊戌躋五之齡己亥望六之壽暨今年母臨四紀之慶會禮合進跪每接舊例而慈教懇摯終靳允俞茲猶事屬慈躬容可以自附將順之義雖不得不齋鬱而退而今者仰請之禮非徒為鋪張賁飾之具也自有先后之故事已成我家之恒典昔我純祖之所嘗準請於貞純大妃者今不能得之於我太母則非所以善繼也我貞純大妃之所嘗勉循於純祖者今不以許之於我殿下則非所以止慈也我太母殿下倘或念及於此則又豈待臣等之屢懇乎伏乞積誠仰稟亟舉盛禮批曰卿等之有此賓啓誠為得當而以此屢稟慈衷尚未勉回尤用切問○以李敦榮為全羅道觀察使金宅基為慶尚左道兵馬節度使任泰瑛為慶尚左道水軍節度使○癸巳賓廳再啓批曰予於昨今連陳不可不勉循之意而慈衷愈邈不知如何為當矣○賓廳三啓批曰非但卿等之言愈切予小子忤亦既屢矣而尚未能仰格慈意只以誠淺為愧矣○甲午中批以金左根為工曹判書○時原任大臣率百官庭請初啓批曰自筵奏而賓啓自賓啓而庭籲益見卿等大同之意而慈聽尚靳職由予小子未能

積誠耳○再啓批曰今始得蒙慈教允從誠萬萬慶幸矣○以沈宜臣為吏曹
參判金興根為弘文館副提學李圭徹為慶尚左道水軍節度使○乙未○丙
申上御仁政門行朝參領府事李相璜啓言臣於月前筵席伏見慈教下者有
以敬天愛民勤學親賢四條誨諭我聖上此實祖宗朝相傳之心法古聖王為
治之大經也伊後竊覩我殿下政令施措之間其仰體慈誨勵政圖理之聖衷
有可仰認政院公事之親啓即克勤于政天工無曠之聖意敬天之本其端得
不在是乎遽來藩臣之晉接蓋將為窮蘄幽隱畢達於階前也愛民之仁其榮
得不在是乎至於召對之課日將以講討啓沃開廣聰明勤學之源其漸得不
在是乎參製之儒生許令入侍雖不過一時奏名而退然其進趨應對之間亦
自有儀象之著見者然則其才不才自莫逃於淵鑑之下顯俊招乂以須維楨
之用聖念庶其有親賢之道其始得不在是乎循茲軌轍觸類而長勉勉終始
無時豫怠此殿下所以服膺我太母丁寧詔教之至意夫何有於措天下之事
哉然無其實則徒名而已怠於終則便同無始此經訓所以慎勿篋之功而揭
權輿之戒也惟殿下懋哉懋哉批曰所陳好矣當體念矣○三司諸臣各有陳
勉賜批○教曰予於李鶴秀事有洞諭者矣其罪關甚構慈聖之燭悉而予有

承聆於平日者尚此假息特包涵之大德也在今日立天經定邦紀之道不容
不明示予意李鶴秀施以楸子島荊棘之典○右議政趙寅永啓言今年即我
英廟建儲之再回甲也伊時誣獄之慘自開國未有也惟太學生尹志述以捲
堂所懷中肅廟誌文事為凶徒所搆首被慘刑在於是年蓋其秉執之嚴樹立
之正足以明先王之志事扶義理於千秋而服享雖復於泮祠馳贈只止於臺
職後承零替香火不繼此實忠志之士尚今掩抑者而百年之間士氣摧沮駸
駸然莫可振起誠非細憂也曾任正廟辛丑有寃死諸臣遍宥之舉此當從後
更稟而先從贈持平尹志述加贈正卿施以節惠仍錄祀孫以示褒獎憫恤之
意似此明白之事不必待狀而議謚請以此分付瀛館從之又啓言正廟辛丑
有四忠以下諸臣錄後之舉矣今見忠獻公金昌集忠文公李頤命忠翼公趙
泰乘祀孫皆有職名而惟忠愍公李健命祀孫屢經初任輒皆作散尚未甄復
官享久闕云在今年軫念之方合有特施之典令該曹六品職待窠調用忠肅
公李晚成忠簡公趙聖復忠獻公李廷燭奉祀孫一體錄用而如有年限未及
者并勿拘事請分付從之又啓言臣聞養民之政莫先於獎廉我列祖以來皆
有清白吏之選生者進秩死者錄後今令應薦諸臣各薦可薦之人更加考核

以備添錄實繫勸獎風勵之道從之○擢江原監司李光正行護軍李若愚李
憲球為正卿○右議政趙寅永啓言臣於削科人李維謙事竊有區區愚見矣
維謙之赴舉時其父罪名尚在丹書則以此削科固為當然而其父之爵秩既
復其子之科名仍削非但其家之呼冤抑亦公議之稱屈特為復科事請分付
從之又啓言儒賢賜謚載在法典而故貧善宋稚圭吳熙常俱是應謚者也第
熙常生前爵秩只為三品特贈正卿并為議謚而在前儒賢之臣或有不待謚
狀之例依此施行事請分付從之○教曰祭酒宋啓榦以三朝禮遇之臣年既
大耄合施優典正卿陞擢○以趙斗淳為私文館副提學宋啓榦為漢城府判
尹○右議政趙寅永上袖劄曰今日即殿下親揔萬幾之初書所謂罔不在厥
初生者也頃於太母殿下撤簾之日若曰敬天愛民勤學親賢主上其勉之大
哉言乎凡為人主御世之繫維為治之綱領咸具於此而亦我列祖以來相傳
之心法雖堯授舜舜授禹其又何以加之自古聖人成己之要不出於咨訪我
聖朝月六之對日三之講以至常參輪對無非咨訪治道第其咨訪之道貴在
兼聽必使上下之情有所相孚踈迤之踪亦得自達其要又在於容諫諍而恢
聽納然則三者之中尤以聽納為重此所謂非知之難行之惟艱者也今欲承

祖宗艱大之業迓天地靈長之運以阜兆民以靖四方則凡繫為治之具更僕難數而撮其最急最要而不可緩者則莫先於咨訪也諫諍也聽納也批曰三條陳勉益見卿惓惓憂愛子雖否德可不銘紳而服膺○丁酉教曰儒賢招延事已有儒臣之批矣四山林處令政院措辭別論遣地方官敦飭使之從速上來○大司憲朴永元執義李殷相應教趙秉恒副應教金在根持平洪在重校理李正履林肯洙副校理申錫愚沈承澤正言李魯確修撰俞象煥李孝淳副修撰李埴洪翼燮合辭以為亂賊從古何限而豈有如鶴秀之至凶絕惜者哉世守龜祿之恃論背馳國是及其偏蒙恩造歷踐華臚則患得之在心而轉成驕濫貪權之不足而愈益跳踉此在渠猶是薄物細故至以碁構之惜計敢試於莫嚴莫重之地干紀戮倫惟我殿下夙承慈聖之教詔久有淵衷之燭悉乃於一初首歲立經定紀之會洞諭罪犯正大嚴截久屈之王章將伸積菟之輿憤庶洩而不為設鞫而窮覈遽從惟輕而島置國有典憲寧有是哉伏乞聖明大司諫李若愚為漢城府判尹○諭宋啓幹曰子聞周公之訓曰考造德遲任之言曰人惟求舊此古昔盛際代天工而興化理者必於親賢敬老而先之者

也卿以三朝禮遇之隆處一世師表之尊士林之所矜式朝野之所倚望垂四十有餘年于茲矣子自嗣服之初襁褓然勗子而迪子不啻若飢渴于中而誠禮淺薄嘉遯莫迴再三敦勉歸於應文備具而止可勝愧歎今茲晉擢非曰吾與爾縻之直由子小子尊賢衛道旁求仰助之義耳矧今簾儀誕撤萬務之繁在子眇躬顧以寡昧夙夜所以祗慄者曷敢不于前寧人圖功惟始而雖以卿愛君憂國之誠言之豈復一向邁往遐棄子莫之顧否大耋康強天所以佑君子也而春煦漸暢尤可以有間驅馳卿其勉回初心剋日造朝宥密我基命緝熙我典學是子區區之望也諭宋來熙曰惟爾古家之世裔也先正之嫡傳也若念冲子眷禮之隆重前人休戚之與同則庶幾幡然邁朝弘濟我艱難而自子嗣服之初幾爾旌招之諭而奈此誠禮之未孚尚爾遐庇之莫回雖子之極知多愧而嗟爾之不能無慨也以子寡昧承祖宗艱大之業幸賴慈天之七年覆臨垂拱無為今焉東朝之簾帷已撤而子亦係志學之年萬幾親撻而效愈邈庶績多艱而治不猥此專由於學業不精輔導無人章句訓詁之間無絲毫禪補之力故歲之首月之元端門視朝即是延訪羣臣之意而政須鴻儒宿學心得而躬行者置之左右委之以啓沃開導之責此為今日急務苟求其人

捨爾伊誰此時子心之所嚮向也朝野之所想望也士林之所矜式也舉皆以爾為歸爾亦莫不以爾為先以爾平日山斗之望致澤之志今何一向邁邁長往不返以妨諸儒賢旁招求助之美事乎母謂寡躬冲藐之無足與有為亟念新學就將之迨此不可失即日登塗以副側席如渴之思論成近默曰爾之膺經筵之選者今已久矣子之勤于旌之招者亦已屢矣誠禮未盡遐邇莫回悵愧之餘深庸慨然爾是誰家人也箕裘詩禮茶飯經傳士林之所矜式朝野之所想望子亦安得不如渴思飲必致乃已哉顧子寡昧新搃萬幾此時輔導啓沃之任不得如爾宿德之士則將何以致典學之工成從欲之治乎載念我穆陵盛際爾家先正實左右之至今赫赫人耳目是何曾自淑其身固守東岡以不出為高也今子之所期於爾者即先正之所以事穆陵也矧今三陽惟新講筵將開對天茂時子方自勉此際側席之心倍切于中爾其勉回考槃之志庸副繫駒之誠上補予不逮下以趾厥先美毋孤子凝企之望焉諭金仁根曰粵子歲之首維月上旬端門視朝容訪羣工深惟為治之要蓋莫先於崇儒禮賢子於爾前後敦勉亦既屢矣握瑜懷瑾自甘永夫弓旌徒勤皎駒難繫豈由子涼德淺誠不足相孚而亦不能不為爾惜之爾以忠賢世胄孺深庭訓子雖

未及見爾不問可知為當世賢者匡弼啓沃之責衛道扶世之功尚有賴於林下諸賢爾雖欲肥遯於衡泌之間其可得乎噫惇尚儒術即我列聖朝相傳之家法也爾家先正洪資明命朝野為之型範士林為之矜式予所召即先王之禮也爾所膺即先正之職也予曷其不于前寧人圖功攸行爾亦曷敢不于昔先正遺烈是則也又况慈聖之丁寧詔教不越乎勤學親賢四箇字在於招延之列者宜于于然來爾尚朝夕左右迪予一人用答揚光訓此所以寤寐翹想必欲致之朝端者也顧今慈徽丕聞八方普歡其在同慶之義寧容駕屨之俟睠彼東江一葦可杭茲宣數行用替彘帛爾其勉回遐心即日幡然賁我盛典輔予不穀以副虛行企凝之望○己亥上詣仁政殿親受大王大妃加上尊號單子仍上箋文尊號曰光聖○庚子○辛丑月食既○以趙秉憲為吏曹參議

○以宋啓翰為司憲府大司憲閔英世為司諫院大司諫○京各司各營進庚子會計簿戶曹餉廳志歷兵曹訓局禁營御營禮廳時在黃金一萬四千九百八錢一分銀子二十二萬三千五百五十二兩三錢二分錢文四十九萬六千九百七十八兩三錢五分綿紬三十七兩二錢二分錢文四十九萬四千一百一十三兩九錢四分○壬寅以權敦仁為吏曹判書洪敬謨為工曹判書○中批以金左根

五十四斗
五石四斗
同四斗
六石四斗
九石四斗
子會計簿

為兵曹判書○癸卯○甲辰上御熙政堂引見大臣備局堂上○命親摠萬幾
陳賀以進冊寶日合慶舉行○命大護軍柳和源判尹除授以年最老也○乙
巳以閔致成為咸鏡道觀察使韓鎮采為司諫院大司諫○丙午○丁未○戊
申設人日製于泮宮○己酉以李義準為司憲府大司憲○庚戌備邊司啓言
即見義州府尹李圭祊所報則以為紅蔘原包外收稅錢七萬一千五百二十
兩內除却年創劃給餘在為五萬二千三百九十五兩矣本府勅需每患不足
今以此數詳定作穀名以灣府勅穀折半留置本府折半留取耗於道內為
辭矣蔘包之弊誠到末如設始已五十年加數至八千斤潛越之多殆無紀極
姑以此報言之既未得隨現如律所謂屬公之物又繫襲謬之事則揆以經法
終欠正當而叅諸流來積痼目下事狀實出於任怨奉公之意依所報使之作
穀分留取耗而就元數中限五分一置之灣府五分之四分置道內若值應用
之時則必待報司草記後施行事請并分付於該道該府允之○辛亥資憲大
夫漢城府判尹兼成均館祭酒宋啓翰卒教曰故祭酒以耆耄儒賢雅操彌堅
予所以期致經筵席爰擢正卿繼宣敦召而逝單遽至帳盡曷喻吊祭之節喪葬
之需令該曹照例舉行造墓擔持軍亦令本道題給啓翰浚吉之後明欽孫也

純宗時儒賢李直輔奏其經行擢授經筵官啓翰固辭恒以身不出言出為戒
每除官承別諭或詢問不敢對好學手鈔經傳要語以自警省而守晦甚固不
以儒逸自居也故探賸造詣與夫言論風旨世無有睹聞者也謚文敬○以栢
相弼為右邊捕盜大將○壬子○癸丑○甲寅○乙卯以金輔根為成均館大
司成○二月丙辰○丁巳○戊午○己未○庚申召對于熙政堂○辛酉○壬
戌○癸亥召對于熙政堂○甲子以金大根為吏曹參議○乙丑○丙寅以趙
秉憲為江原道觀察使○丁卯○戊辰上詣仁政殿親上大王大妃冊寶○上
御仁政殿受賀頒教敕○己巳上號都監堂郎以下施賞有差禮房承旨金緯
對舉承旨成遂默都監提調徐憲淳趙秉鉉都廳曹雲承申錫愚王冊文書寫
官洪敬謨并加資○興寅君最應疏略曰臣退自呼嵩之班特蒙授資之命而
臣兄是應與臣同品矣臣若先陞則一府之內弟為首堂兄為次堂矣伏乞還
收批曰卿言當然所請依施仍命興完君是應加資○庚午教曰慈德益隆冊
寶恭上予小子歡忭之忱庶得少伸其在廣慶之道不宜以特例為拘貢人舊
遺在三千石市民徭役限一朔洋人懸房贖限十日諧道舊還十萬石并蕩減
事令廟堂行會○辛未教曰故判敦寧金道根不待謚狀議謚○壬申○癸酉

○甲戌召見全羅監司李敦榮于熙政堂辭陞也○乙亥上御熙政堂引見大臣備局堂上右議政趙寅永啓言年前以文臣十邑還作本寮事筵稟矣見今蔭仕之虛司果頗有積滯之慮不可不略有變通蔭職區處間文臣十邑依已例姑令從便排擬而社稷令文臣一寮例以承文察上擬望故每患苟難此則請自今永作蔭寮事分付從之又啓言大抵薦選之法以精為貴一或有濫不如不為向以清白吏收薦事筵稟蒙允矣謹考通編薦舉條曰庶謹吏令二品以上各舉所知書送廟堂云又考正廟朝薦主諸人則亦似六曹堂上之并與而時措則古今有異位著則多寡不同叅酌折衷合有其宜今番則姑令正卿以上及備堂六曹漢城府堂上各薦可薦之人而亦以限一朔收合之意請更為分付從之○召對于熙政堂○以李光正為刑曹判書李憲球為漢城府判尹○丙子○丁丑○戊寅○己卯○庚辰○辛巳以金興根為平安道觀察使○壬午召對于熙政堂○癸未召對于熙政堂○甲申上詣宗廟景慕宮展拜春謁也○乙酉○三月丙戌○丁亥○戊子○己丑○庚寅以李若愚為刑曹判書吳一善為慶尚右道兵馬節度使○辛卯○壬辰大王大妃母臨四十年稱慶上御仁政殿頒教受賀赦○教曰今番陳賀時禮房承旨朴長復對舉承

旨安光直並加資○命今番慶科庭試以親捻庶政養隆長樂大王大妃加上
尊號母臨四十年合三慶為號○癸巳慶禮陳賀時各差備官施賞有差○甲
午給綿子屢失火恤典○乙未上詣永禧殿行酌獻禮仍詣儲慶宮展拜○丙
申以李惟秀為訓練大將任聖臯為搃戎使○獻納朴鳴載疏略曰伏見猴院
請勘扶掖中官而及奉批旨有推考之命矣中官之扶掖憂過於禁闥咫尺之
地者係是無前之事其在抑近杜漸之道臣謂當該中官令該府拿問勘處因
此而有所提達者堂下蔭官之禁庭扶掖已駭聽聞如典憲所載之隔茅下馬
差等回避之法蕩然毀劃令廟堂申加董飭如有令後犯科之類隨現勘律批
曰爾言是矣所請依施○丁酉上御仁政殿行春到記講居首尹哲求製述賦
居首李裕元並直赴殿試○戊戌○己亥教曰近來將臣皆着竹戰笠自今為
始依舊例着毛戰笠事分付○庚子上御熙政堂引見大臣備局堂上右議政
趙寅永啓言島倭接待自有約條不宜一毫違越而年前代察書契之登聞極
為猥屑故伊時至請該倅問備仍令曉諭退送矣今於四年之後又煩仰徹而
重之以前所未聞之少將書契者揆以邊體萬萬駭然第念代察書契雖非約
條既經登聞差倭之許久留滯亦不可不念特以柔遠之意許令捧納而別幅

尤不宜舉論至於少將書契即約條之所未載不可與代察書契一例論也以此分付該府使使之以一許一否之事理詳細飭諭於館倭處從之又啓言釋法之蕩然已無可言而前以隨時掇獎之意至請未捧釋守令挨次減等之律矣近來殘局獎地專事規免以為當年不勘其罪也小他日有現為累則大舉售占便之習看作圖遞之計雖以近日金浦豐基兩倅事觀之其言似若懋實其事實歸規避大抵經冬不勘即與全未捧一也自今以後不勘薄守令一依全未捧律施行事定式請行會諸道諸都從之○辛丑葢講于熙政堂○壬寅召對于熙政堂○癸卯○甲辰上詣皇壇奉室行禮仍詣映花堂試叅班儒生召見回還三使臣應製銘居首金世均直赴殿試○乙巳端宗大王陵寢奉審令關東道臣每年一次為定令廟堂稟處以前江原監司李光正所奏也○丙午○丁未召對于熙政堂○以金景善為成均館大司成申命源為黃海道水軍節度使○戊申○己酉○庚戌○辛亥○壬子上詣毓祥宮延祐宮宣禧宮展拜○癸丑○甲寅召對于熙政堂○閏三月乙卯○丙辰○丁巳○戊午上詣元陵親祭仍詣綏陵展謁教曰是歲即英廟冊儲之再回甲而我正廟祇謁元寢之年也予小子敬遵故事粗伸追慕而緬惟四相臣協策之功殉國之忠永扶宗社曰篤

不忘在今日繼述之道豈可無示意之舉依正廟辛丑已例四忠祠遣承旨致祭○已未元陵親祭時亞獻官以下及璿源譜略跋文製述官以下施賞有差執禮掌樂正趙然春大祝應教洪永圭監印宗簿正李元會並加資教曰元陵親祭時禮房承旨權大肯加資○庚申○辛酉○壬戌召對于熙政堂○癸亥以趙萬永為扈衛大將○甲子上御熙政堂引見大臣備局堂上召見平安監司金興根辭陞也上曰荐獻之餘必多民弊卿下去善為之也右議政趙寅永啓言謹考純廟癸亥貞純大妃因正廟遺意以太廟親享時禮節減損事下教而翌年甲子夏有親享之命伊時故相臣李時秀啓言笏記中勿以各室樽所磨鍊只以禮儀使導殿下詣樽所為文行禮時殿下陞詣樽所為文行禮則各室樽所一時酌酒後殿下詣神位前仍自室內次次行事最為合宜仍請大臣禮堂下詢而僉議純同以此施行矣其後翼廟攝行有笏記復舊之舉則今於親享命下之後舉行節次不可不經稟酌定而第伏念太廟室數有加於先朝時其在誠敬不弛之義尤合簡易從便之儀而既有翼廟睿教則繁簡之際時措雖異經權之間禮意莫重今亦依例令該曹問議于原任大臣後具意見稟處教曰仰稟于大王大妃殿後下教矣尋從之又啓言三學士成仁之烈撐天

亘地百世不磨而朝家所以存恤其後者亦至矣聞故學士尹集祀孫落仕未復云請令該曹待窠調用從之○召對于熙政堂○教曰俄楚聞乘轎之肆然冒禁云苟有一分國綱寧容如是此專由於掌法之臣按廡之地視朝令如弁髦也毋或以冲君新搃未能照察而然歟凡我卿士庶民咸悉此意○乙丑○丙寅○丁卯上御春塘臺行慶科庭試文取李好亨等十九人武取羅敬俊等二百十八人○戊辰○己巳上御春塘臺行三日製表居首李參鉉直赴殿試○庚午召見入格儒生于熙政堂○辛未○壬申○癸酉上御仁政殿行庭試文武科放榜○甲戌上御熙政堂親受文武新恩謝恩○乙亥召對于熙政堂○丙子上詣春塘臺行瑞葱臺試射○丁丑○戊寅以宋冕載為司憲府大司憲宋祥來為司諫院大司諫○己卯召對于熙政堂○庚辰○辛巳上詣仁政殿月臺行太廟夏享誓戒○壬午召對于熙政堂○癸未○甲申上詣明政殿月臺行太廟夏享肄儀○以李憲球為工曹判書李光正為漢城府判尹○四月乙酉上詣摛文院齋宿仍行召對召見時原任閣臣○丙戌○丁亥上詣太廟齋宿○戊子親行太廟夏享○己丑以徐相五為京畿水軍節度使兼三道統禦使喬桐府使○庚寅○辛卯○壬辰○癸巳召對于熙政堂○甲午上御

熙政堂引見大臣備局堂上上曰肅宗英宗兩朝講課令政院騰入可也右議政趙寅永啓言宗廟朔望祭與節祭別祭享官差定之例大祝則為二負齋郎祝史只為一負故每於將事之際不無苟簡之患自今齋祝並依大祝例各以二負填差俾無臨事窘跲之弊從之吏曹判書權敦仁啓言月前幸行時京畿儒生金在祿等以故進士俞宅基貶贈事上言啓下矣宅基之為辛壬凶黨所媚嫉誣竄北闕竟不免死果如儒生所籲而同時被禍之如李喜之沈尚吉洪義人舉蒙恩褒宅基之獲漏於一視久為公議之齋齎特施持憲之贈恐合褒嘉之典故敢此仰達矣從之○召對于熙政堂○以金蘭淳為司憲府大司憲朴宗吉為司諫院大司諫金學性為成均館大司成○乙未備局啓言前正言金鉤䟽言信行講定預加團束仍請膺賊逃命時東萊府使閔永勲拿戮照律而有䟽辭令廟堂稟處之命矣倭館約條之踰越萊府事體之贖損誠如臺臣所言况今信行之請尤係交隣之重則預加檢束實為允當至於前府使閔永勲事當初邊禁不嚴已無可論而查實之啓亦未免不審然而伊時處分特使之戴罪行公又於此臺臣䟽批以大不稱停為教則今於年久之後又事斷斷實為已甚且措辭中寧有藉曰安知等句語有非明執確證者臺閣論人雖許

風聞此何等關係而若是模糊乎請原疏置之前正言金鉤施以罷職之典允之○丙申召對于熙政堂○召見輪對官于熙政堂○以金箕晚為吏曹參議○丁酉○戊戌○己亥召對于熙政堂○庚子行中宮殿冠禮○辛丑以李穆淵為吏曹參判○壬寅畫講于熙政堂○癸卯以李嘉愚為司憲府大司憲○甲辰上詣仁政殿行專經文武臣殿講○乙巳召對于熙政堂○丙午命卜相召見右議政趙寅永于熙政堂請對也○拜金弘根鄭元容為左右相○以金蘭淳為議政府右參贊朴晦壽為禮曹判書○丁未○戊申以李光正為司憲府大司憲○己酉○庚戌以李若愚為漢城府判尹李光正為刑曹判書宋冕載為司憲府大司憲○辛亥○壬子朝講于熙政堂○以李正者為司諫院大司諫○癸丑畫講于熙政堂○五月甲寅○乙卯○丙辰純陵陵上修改時監董以下施賞有差○丁巳○戊午○己未○庚申○辛酉○壬戌以安光直為司諫院大司諫○癸亥上詣北苑行望拜禮○甲子○乙丑○丙寅○丁卯○戊辰○己巳教曰右相事豈不異哉前後敦勉庶可感回而舉措轉益乖當事體轉益虧損是欲力抗乎務勝乎敬禮自敬禮分義自分義右議政鄭元容施以罷職之典○庚午上御熙政堂引見大臣備局堂上命犯越人慶源吳戒坤

依鄭廣潤例減死島配領議政趙寅永啓言近年潛蒙之弊日加月增法不能禁至有向來灣府論報而草記作穀者矣此事流來已久不可不變通然後邦禁可嚴邊情可飭第蒙包以百斤而加至八千者皆由時勢之不得不然元不以多寡為拘則自今年為始令譯院包蒙則量宜加定稅錢以十萬兩為限折半依前付之譯院折半付之單蒙所以代關西作錢而其餘剩者則除留於度支俾為別差倭單蒙之費則蒙稅之屬單蒙名色不異事面甚好如是酌定之後潛越又復如前畢竟貽害自歸包蒙此則嚴加知委於開城留守平安監司義州府尹等處請一遵定式施行從之○左議政金弘根勉聖學賜優批○以李光正為司憲府大司憲俞章煥為司諫院大司諫朴永元為刑曹判書○以金魯甲為平安道兵馬節度使○辛未召對于熙政堂○壬申○癸酉○甲戌○乙亥○丙子○丁丑○戊寅○己卯○庚辰○辛巳○壬午上御熙政堂行藥院入診引見大臣備局堂上領議政趙寅永啓言故經筵官金仁根已為作故矣既在旌招之列合有致意之舉且聞其家甚貧云令該道優助葬需以示朝家終始崇儒之意似好故敢達矣從之○命前右議政鄭元容叙用復拜相職○召對于熙政堂○六月癸未日有食之食在地下○甲申○乙酉以趙容

和為吏曹叅判○丙戌○丁亥○戊子○己丑○庚寅○辛卯○壬辰上御熙政堂引見大臣備局堂上命初仕擇差先期提飭守令別薦並薦文武領議政趙寅永啓言健陵忌辰在於今朔獻官諸執事之自京差送例也第念節當溽暑路又涉津若值大漲之際實多渡船無由之慮從前有變通之論矣顯隆園祭享時獻官以下本府留守判官與五邑守令元定者即我正廟深遠之念則健陵忌辰之遵此例施行恐於祀典無所妨碍且以華寧殿式例言之亦可為傍照之端而分奉常寺設施實出慮此也大王忌辰祭官若以留守以下元定則王妃忌辰亦當倣此香祝之奉自有圈例又可以陵官前期舉行矣下詢于大臣禮堂從之○召對于熙政堂○癸巳○甲午○乙未○丙申以徐箕淳為成均館大司成○丁酉○戊戌月有食之○己亥○庚子以黃秩為司諫院大司諫○辛丑○壬寅○癸卯○甲辰○乙巳○丙午上御熙政堂行都政以李義準為刑曹判書鄭泰東為全羅右道水軍節度使○丁未召見守令邊將初仕人于熙政堂○戊申○己酉○庚戌○辛亥○壬子全羅監司李敦榮以去月二十二日之兩全州等二十邑民家漂頽四百七十戶人物淪壓十四名馳啓○七月癸丑○甲寅○乙卯○丙辰忠清監司金英淳以去月二十日之兩

魯城等十二邑民家漂頽三百六十戶人命淪斃十二名馳啓○丁巳○戊午以金蘭淳為吏曹判書徐熹淳為兵曹判書○己未○庚申○辛酉以林永洙為司諫院大司諫○壬戌○癸亥○甲子慶尚監司洪在喆以金山等九邑民家漂頽為四百五十戶人命淪死三十名馳啓○乙丑○丙寅○丁卯上御熙政堂行藥院入診引見大臣備局堂上命免城鎮革罷還餉折米移錄邑簿左議政金弘根啓言臣於呈身之初猥有數條陳勉而以典學為先數朔之頃一向悠泛謂睿智天縱毋待強勉則舜禹之聖不能無資於學謂時序炎溽有勞酬接則古之中主尚有汗透而不知為疲謂臣所陳不過老生常談則窮古亘今經理經行之移易他不得者舍是無由也顧臣輔相之職蔽一言匪其人耳然前後聖諭屢及於臣家先故臣之無所逃命怵惕而感激者亦有臣家先訓之尚或可以藉手於今日而凡人才分各有有限玄齡之謀不能為如晦之斷宋璟之持正不能為姚崇之應變即以臣先祖言之世膺三事之重樹綱衛道守經取義固為一代之所推至若經綸才猷擔分事務則輒退然不居讓與需時之彥以為近世大臣不以君德闕失為己責一付之臺閣非輔弼匡救之義專以是自任此前人所以明於自審也臣以萬萬無肖叨塵先武一切謀謨籌劃

宰制變通之量自分無近似道理初不敢為妄自發用之計則惟是時進愚戇之說冒效藝事之諫庶可為萬有一不至於墜家計而孤隆遇也第今政令事為不至於違拂羣心聲色玩好未聞有干蔽聖志舉欣欣然以為聖躬無闕失臣獨以為典學不動乃殿下闕失之大者也經筵取稟稱以視事可見祖宗盛典命意攸在學便是政政不外學而向所陳立志懋實又其要也孟子曰不為也非不能也臣亦以為殿下於此非不能也直不為耳惟殿下俯察愚悃勿以人廢廓揮明斷痛改前規一念終始慥慥不懈焉批曰今聞卿言子甚自愧當益加勉矣右議政鄭元容陳勉聖學賜批○行都堂會圍四點趙徽林李豐翼金始淵金建銖尹教成金應均沈膺泰曹錫兩李宗秉趙道淳沈敦永李時愚李經在南性教李寅稟任百秀取十六人○抄選經筵官洪直弼史曹議政府同議也○戊辰吏曹啓言因大臣筵奏就議大臣以武堂上守令中富寧長津龜城漆谷四邑權作武堂下窠文堂下守令中慈仁沃溝蔭堂下守令中大興結城文察訪濟源蔭察訪松羅作武堂下交差窠○己巳○庚午○辛未○壬申○癸酉上詣北苑行堂拜禮○甲戌○乙亥上御仁政殿行漢學文臣殿講○丙子設七夕製于泮宮○以金東健為吏曹參判李啓朝為吏曹參議李憲

球為司憲府大司憲李竣祐為司諫院大司諫權敦仁為工曹判書○丁丑該
專經文臣殿講于仁政殿○戊寅○己卯○庚辰上詣太廟展謁秋謁也○辛
巳○八月壬午○癸未上詣仁政殿親傳景慕宮秋享香祝○甲申上詣仁政
殿親傳南壇祭香祝○召對于熙政堂○乙酉畫講于熙政堂○丙戌上詣仁
政殿親傳文廟釋奠香祝○畫講于熙政堂○以成近默為司憲府執義洪直
弼為司憲府持平李憲璋為漢城府判尹李敏德為全羅右道水軍節度使○
丁亥上詣仁政殿親傳社稷秋享香祝○教曰子之欲招延爾等任以啓沃之
責者夫豈一日忘于心哉敦飭屢勤異讓深切此予所以中朝興歎而亦不能
無慨於爾等也予固知誠淺德薄不足以勉回遐心而爾等獨不念喬木之義
分生芻之想望乎見今講席連開庭官新抄若得爾等于于而來相與夾贊於
厦簞則是豈獨予一人幸也將使八域蒼生舉蒙其福爾等須體此意即起筵
朝事分遣史官傳諭于經筵官宋來熙成近默處○教曰士之讀聖人書學聖
人道者豈但為高尚其志獨善其身而已哉蓋將以所讀所學致君澤民兼濟
斯世而亦吾儒家不易之法文也爾以宿儒碩學葩德邱園士友之講磨士林
之依歸厥惟久矣今茲筵官之選實循輿論况予學未通方治不豫志側席求

賢如渴如飢爾豈不以平日所蘊抱者幡然而起不資我緝熙之工隆平之化乎茲遣近侍勅示至意爾勿臣辭用副延佇事遣史官傳諭于經筵官洪直弼處○戊子召對于熙政堂○己丑大匡輔國崇祿大夫判中樞府事朴宗薰卒教曰此大臣端雅之姿綜明之才不但華國之文采而已先朝之所簡拔也寡人之所倚重也向因醫官之啓雖知證形沉綿平日精力尚有所恃今見逝單不勝愴盡卒判府事朴宗薰喪隱卒之典依例舉行成服日遣承旨致祭祿俸限三年輸送其子待闋服調用宗薰有文學名而生平不著述其工拙人所不知也為人精密有才諳屢歷要廡遂至台司○庚寅召對于熙政堂○辛卯○壬辰○癸巳○甲午○乙未以李光正為漢城府判尹○丙申上詣明陵親祭仍詣翼陵弘陵展謁○教曰洪翼靖公墓遣地方官致祭○丁酉○戊戌○己亥以沈有祖為忠清道兵馬節度使○庚子○辛丑上御熙政堂引見大臣備局堂上領議政趙寅永啓言人臣不桃之禮自有國典雖名賢碩輔之表著一代者至於此事則本不得擬議於格外而近來多有殉節被禍人之特施者如辛壬被禍之四大臣即其已例也故相臣文忠公金壽恒之道學勲庸固不待更煩闡揚而若其乙卯之秉執己巳之樹立判死生於一身扶綱常於萬世竟

罹慘構遂被酷禍則伊後褒忠之典非不至矣盡矣惟不祧之命未及有施親
盡而遷亦多年所誠朝家之未遑士林之齋鬱故敢達焉從之又啓言我朝專
尚文治武力不競故中經南寇北患而其能敵王愾而奏膚功者無幾惟故都
元帥臣權慄幸州之捷為最也恩獎至發於皇朝功烈昭載於國乘然而俎豆
芬苾尚無一所是年即聖朝勤勲之年也是地即聖上臨趾之地也若於是年
是地特命建祠仍宣恩額則恐於鼓鞶之思旂常之典有所風勵而營造之費
令三軍門量宜區劃似好故敢達矣從之左議政金私根啓言今番幸行時新
作峴輦路之誤由於啓下傳闕之外者萬萬驚悚振旅肅紀責在本兵請兵曹
判書徐憲淳罷職從之○教曰今日即我英廟陞儲之再回甲也予小子羹牆
之慕曷敢不敬遵我正廟已施之典乎四大臣及慶恩府院君祠版並遣承旨
致祭若在外道則道內守令差定祭官事分付○壬寅召對於熙政堂○以洪
敬謨為兵曹判書○癸卯○甲辰○乙巳○丙午○丁未○戊申○己酉○庚
戌○辛亥命吉州牧偷出軍器私鑄錢之朴仲道金宗珪安士義不待時斬同
謀分利之李元水主接之許天待時絞○九月壬子○癸丑○甲寅上御仁政
殿行秋到記講居首尹顯岐製迷表居首韓敬源並直赴殿試○乙卯召對於

熙政堂召見入格儒生○領議政趙寅永疏辭相職許之○以李奎鉉為吏曹
參判李圭祊為吏曹參議○丙辰○丁巳○戊午備局啓言慶州民人等以本
邑逋還事屢百為羣敢抱狀叫閭狀頭三人為先嚴刑一次押送本道施以當
律隨從民人曉諭還送雖以還獎言之既曰吏逋則何與於民而有若閭境莫
保致此無前之舉亦應有所以然者令該道臣詳查根委條列登聞以為照律
用法之地允之○己未○庚申召對于熙政堂○設九日製于泮宮○辛酉○
壬戌○癸亥備局啓言即見咸鏡監司閔致成狀啓則以為明川府竄配物故
罪人李止淵返樞也止兵使尹禹鉉發關各邑諸般節次有若應行稱以判府
事者法網茂如其罪狀請令廟堂稟處矣此罪人負犯至重懲討極嚴而該帥
臣之眼無邦憲敢書職名公行文牒肆意私護事未前有極涉無嚴止兵使尹
禹鉉為先罷黜請令該府拿問定罪允之○甲子以許榮為咸鏡北道兵馬水
軍節度使徐熹淳為刑曹判書○乙丑○丙寅○丁卯○戊辰○己巳○庚午
以李啓朝為司諫院大司諫○辛未召對于熙政堂○壬申○癸酉○甲戌召
對于熙政堂○乙亥慶尚監司洪在詰以七月初九日之兩大丘等十邑民家
漂頽四百七十五戶人命滄死五名馳啓○丙子召對于熙政堂○丁丑○戊

寅台對于熙政堂○己卯○庚辰○十月辛巳慶基殿神褥席因點火有燠黑
處因道臣啓聞命自本道修改殿官汰拿道臣越俸五等○壬午○癸未○甲
申○乙酉上御熙政堂引見大臣備局堂上○丙戌朝講于熙政堂右議政鄭
元容曰昨筵臣等以講學事仰奏而退即有朝講之命臣不勝欽仰頌祝矣今
既開講仰想課日繼行而臣於戊戌五月講詩傳第一卷第一章時臣以閣臣
陪講其年冬已至三卷臣等以為翌年則必為訖講矣今於三年之後始為登
筵則今尚講第五卷如是則訖工當在何時乎列聖朝常行常察經筵日以爲
常近未見三講之行矣三講亦為行之而朝晝夕中連為輪回不撤以爲歲前
後訖講之地好矣上曰當如是矣○丁亥晝講于熙政堂○以趙斗淳為吏曹
參判李祖榮為司諫院大司諫洪鍾應為成均館大司成金鼎均為忠清道觀
察使○戊子○己丑○庚寅○辛卯設專經文臣殿講于仁政殿○壬辰○癸
巳○甲午○乙未○丙申○丁酉○戊戌設漢學文臣專經武臣殿講于仁政
殿○己亥○庚子○辛丑○壬寅○癸卯○甲辰召見冬至三使臣于熙政堂
正使李若愚副使金東健舊秋官韓空履辭陛也○乙巳○丙午○丁未○戊申○己酉○庚戌○
十一月辛亥上詣仁政殿月臺親傳景慕宮冬享香祝○壬子○癸丑○甲寅

乙卯○丙辰以朴容壽為成均館大司成○丁巳給安邊等邑滄死人恤典
○戊午○己未○庚申○辛酉○壬戌○癸亥○甲子以金胤根為司諫院大
司諫○乙丑○丙寅○丁卯設翰林召試于仁政殿取金世均李裕元趙秉駿
○戊辰○己巳○庚午○辛未○壬申○癸酉召對於熙政堂○以柳致明為
司諫院大司諫○甲戌○乙亥上御熙政堂引見大臣備局堂上宗廟提調金
蘭淳啓言宗廟儀軌之有事添錄自有定式矣自庚辰以後至于今二十二年
年例奉審增修之外世室祔廟尊號許多儀節尚未修定今將經紀始役日記
考出各司進排等節依已例舉行之意敢達矣從之○丙子○丁丑○戊寅○
己卯○庚辰○十二月辛巳給歙谷縣燒戶恤典○壬午○癸未○甲申○乙
酉○丙戌召見時原任大臣于熙政堂上曰近聞閭巷間運氣大熾云信然否
判府事趙寅永曰此病自西關而來都下方熾云矣上曰嘆咭利國近得討平
云韋也寅永曰箕伯與灣尹狀辭已為登徹沿海夷船去來無常其的報則姑
難詳探矣上曰早晚間將送御史矣抄啓以入可也左議政金弘根曰今日民
生困瘁不可但以倒懸言也政宜分遣廉察無憚大吏彊禦實是朝家恤民之
意也西北畿湖比年有直指之行而他道則多年闕然際承聖教審將以早晚

分遣為生民憂動之盛實為目下急先之務謹當退出議抄以入而雖於抄外特旨命送亦多已例矣○丁亥○戊子○己丑○庚寅召見忠清監司金鼎均于熙政堂辭陞也○辛卯○壬辰○癸巳○甲午上詣仁政殿親傳社稷宗廟景慕宮臘享香祝○以趙冀永為成鏡道觀察使○乙未召見在院承旨于熙政堂開圻京外殿最○丙申月有食之○丁酉○戊戌設柑製于泮宮表居首尹定鉉直赴殿試○己亥○庚子○辛丑○壬寅○癸卯○甲辰○乙巳都政下批以宋冕載為司憲府大司憲李鎮華為司諫院大司諫李憲球為漢城府判尹徐戴淳為成均館大司成○丙午召見守令邊將初任人于熙政堂○大匡輔國崇祿大夫領中樞府事李相璜卒教曰領府事又逝矣周歲之間元老者舊之次第凋零不勝驚廓况此大臣端重之姿明剴之識逮三朝躋八耄歸然為師保養龜子所敬信而朝野之所倚重者乎重為之愴盡不已卒領府事隱卒之典依例舉行東園副器一部輸送成服日遣承旨致祭祿俸限三年輸送嗣孫待闋服調用相璜蚤登科處中書最久沈簡詳密疏奏數暢明剴可讀家素貧中晚以後頗封殖幾與貲產家持焉謚文翼後辛亥配享上之廟庭○丁未○戊申○己酉京兆獻民數五部及八道都元戶一百五十六萬八千一

憲宗經文緯武明仁哲孝次王寶錄卷之八

口

百七十六戶男三百三十一萬五千九百二十五口女三百三十一萬二十八

憲宗經文緯武明仁哲孝大王實錄卷之九

八年清道光二年正月庚戌以徐憲淳為兵曹判書○辛亥以李憲球為刑曹判

書朴永元為漢城府判尹○壬子○癸丑中批以金左根為吏曹判書○給晉

州牧滄死人恤典○甲寅○乙卯○丙辰復拜趙寅永為領議政以金蘭淳為

議政府右叅贊○丁巳○戊午○己未以徐箕淳為金羅道觀察使○庚申○

辛酉○壬戌○癸亥○甲子以趙鶴年為弘文館副提學○京各司各營進辛

丑會計簿戶曹餉廳惠廳兵曹判局禁營御營總廳時在黃金一百四十六兩

一尺三千八百七十三分銀子二千二百一十五兩九錢一分

一尺三千四百七十三分銀子二千二百一十五兩九錢一分

一尺三千四百七十三分銀子二千二百一十五兩九錢一分

辰召對于熙政堂○己巳上御熙政堂行藥院入診引見大臣備局堂上○庚

午○辛未命重臣金箕殷回筵宴需衣資輸送○壬申○癸酉以金學性為弘

文館副提學○甲戌以金遇明為司諫院大司諫○乙亥○丙子上詣太廟展

拜春謁也○以金輔根為弘文館副提學○丁丑○戊寅○己卯○二月庚辰

○辛巳上詣仁政殿月臺親傳景慕宮春享香祝○壬午上展拜于景慕宮春

謁也○癸未行弘文錄四點成好謙金鏑金炳奎柳興奎李晉祥金鎮右俞錫煥徐相教洪在龍趙然昌李濟達成容默朴商壽鄭基世沈宜冕金益文申泰運沈敬澤趙龜夏李玄功取二十人○甲申○乙酉○丙戌上詣仁政殿月臺親傳文廟釋奠香祝○丁亥上詣仁政殿月臺親傳社稷春享南壇祭香祝○戊子設入日製于泮宮○己丑○庚寅教曰秋議之疏論繡衣事涉職污不可不一番覈實故所以有問啓之舉矣今其所陳不過自明而已設令繡衣真有可論臺閣風聞不患無人則繡勘守令之若是反詈非但於古無聞實有關於後日無窮之弊刑曹參議閔致文施以刊削之典○辛卯上御仁政殿親受朝食堂行春到記講居首鄭基稷製述表居首金世鎬并直赴殿試○以洪鍾應為吏曹參議○壬辰召見全羅監司徐箕淳于熙政堂辭陞也○癸巳○甲午以洪在喆為吏曹參判○乙未以李景在為慶尚道觀察使○丙申○丁酉上御仁政殿行文臣製述及日次儒生殿講居首李裕膺直赴殿試○領議政趙寅永啓言臣以殿最事屢煩提稟矣昨冬殿最至於闕北湖西則無一人居中下者此可曰綜名核實之道而通一路俱為善治實未敢必也兩道道臣俱宜請勘而成鏡前監司閔致成方在竄配忠清前監司金英淳施以罷職之典從

之○戊戌召見入格儒生于熙政堂○命禁衛大將李完植施以譴罷之典以
南壇失火也○己亥○庚子○辛丑上詣景祐宮展拜○中批以趙秉龜為禁
衛大將尋疏遽○壬寅○癸卯○甲辰○乙巳○丙午○丁未○戊申○己酉
○三月庚戌以朴綺壽為奎章閣提學○辛亥○壬子○癸丑○甲寅○乙卯
○丙辰○丁巳以張教根為江原道觀察使○戊午○己未上詣坡州牧行宮
經宿○庚申上展拜于長陵仁陵行酌獻禮○教曰祗謁仙寢親伸愴慕而沿
路民邑之弊不可不念楊高坡交四邑今年城餉特令除減○命坡州牧使金
景善禮房承旨李圭祊加資○設三邑儒生應製于行宮賦居首南履輪姜鳳
煥并直赴殿試○辛酉還宮○長陵仁陵親祭時亞獻官以下施賞有差執禮
修撰李正履大祝副校理趙秉恒執禮副司果李孝淳大祝應教尹教成并加
資○壬戌以金輔根為奎章閣直提學金始淵為直閣李裕元為待教○癸亥
○甲子○乙丑京兆獻唐子式民數五部及八道都元戶一百五十五萬九千
六百五十三戶人口男女并六百六十二萬五千五百四十八口濟州等三邑
都元戶一萬八百二十戶男女并七萬六千八十一口○丙寅○丁卯○戊辰
○己巳○庚午上詣慕華館閱武仍行犒饋兼行瑞慈臺試射○命三營哨官

中各二負永作取才窠○辛未○壬申上詣仁政殿月臺行太廟夏享誓戒○
癸酉以朴著會為咸鏡北道兵馬水軍節度使沈樂臣為慶尚左道兵馬節度
使○甲戌命京畿早田還起條六百四結限五年減稅○命江陵大同免稅布
自明年限三年代錢上納○乙亥○丙子○丁丑○戊寅○四月己卯上詣太
廟齋宿○庚辰行太廟夏享○召見江原監司張教根慶尚監司李景在于熙
政堂辭陞也○辛巳以李若愚為漢城府判尹○壬午召見回還冬至三使臣
于熙政堂○癸未○甲申以李若愚為京畿觀察使洪敬謨為漢城府判尹○
乙酉○丙戌御春塘臺設三日製賦居首李墩直赴殿試○丁亥○戊子以金
東健為黃海道觀察使○己丑以金祖根為扈衛大將○庚寅○辛卯上展拜
于永禧殿儲慶宮毓祥宮延祐宮宣禧宮○壬辰○癸巳以洪敬謨為刑曹判
書○甲午上御仁政殿行日次儒生殿講居首趙然興直赴殿試○乙未召見
京畿監司李若愚及入格儒生于熙政堂若愚辭陞也○丙申○丁酉○戊戌
以李嘉愚為漢城府判尹○己亥○庚子以朴晦壽為刑曹判書○辛丑○壬
寅○癸卯○甲辰以金學性為吏曹參議李憲球為禮曹判書○乙巳○丙午
○丁未○戊申以李正耆為司諫院大司諫○五月己酉○庚戌○辛亥○壬

子○癸丑教曰德陵安陵陵上修改時監董觀察使趙冀永加資○甲寅○乙卯召對于熙政堂○丙辰○丁巳召對于熙政堂○戊午上詣北苑行望拜禮○己未○庚申上詣仁政殿月臺親傳景慕宮夏享香祝○以尹致秀為成均館大司成○辛酉召對于熙政堂○壬戌○癸亥○甲子○乙丑召見黃海監司金東健于熙政堂辭陞也○丙寅召對于熙政堂○丁卯○戊辰命祈雨祭不卜日設行仍慮囚○以李惟秀為右邊捕盜大將○己巳以朴永元為刑曹判書○庚午○辛未○壬申○癸酉召對于熙政堂○甲戌召對于熙政堂○乙亥上詣仁政殿月臺親傳南壇零祀壇祈雨祭香祝○上御熙政堂引見大臣備局堂上領議政趙寅永曰旱氣比甚民情萬萬渴悶矣上曰屢度祈雨靈應尚此邈然誠甚悶鬱矣各道雨澤何如今若雨下則庶有可望耶寅永曰今暑得兩大稔則雖未可期免歉則似可優矣又啓言慶州連還中崔恒鎮等三漢未捧二萬八千三百十八石零吏奴各名下未捧三萬七千七百八十四石就其中用法者特許蕩減作故者待年豐收納其餘當捧條三萬七千餘石限三年除耗俾民邑有所紓力從之○命都內濬川○丙子畫講于熙政堂○丁丑召對于熙政堂○命別歲抄書入○教曰判義禁刑曹判書持諸道配奪就

議大臣可以酌放者付標以入又教曰秋曹審理時結案罪人一體舉行○六月戊寅日有食之○召對于熙政堂○己卯○庚辰○辛巳上詣仁政殿月臺親傳宗廟祈雨祭香祝○壬午行五次祈雨祭于宗廟○自前夜五更至申時兩一寸三分○上御熙政堂引見大臣備局堂上領議政趙寅永曰水旱之來實關氣數未可謂盡由人事所召而若其財成輔相之方又不容不備盡人力夫然後農不愆期民不乏食即聖人所謂水火金木土穀惟修者也雖以我朝典創言之其切於農務而昔所痛禁今皆弛廢者槩為四條其一曰移秧之禁也水源豐足之地移揀與否自無關於雨暘則未嘗非大減除草之役至若上品高燥泉脉淺短者則只可乾播水付不宜一例移秧而乃其惰怠僥倖之徒舉憚鋤耘之力惟懷霑潤之望四五月之間或值一朔亢旱便成全坪荒蕪故在前此禁載在令甲而慢不察飭仍作習俗雖遇饑饉而莫之悔豈不痛哉其二曰私屠之禁也牛畜之關於農政何如而挽近法禁在在蕩然邑必有庖場必有屠坐肆估販之類締結牛賊至於計束給價以分其利讖捕無以禁偷竊之源孳息無以當宰殺之數歲耗月損耒耨失時甚或一頭百金之直而曾所罕聞先從此禁申嚴之後庶可為務農勸耕之要矣其三曰山腰火田之禁也

蓄燒日入舉皆童濯關防無林藪之阻山峽乏材木之用固已萬萬悶歎而其赭山之故上而雲氣不興下而泉源不滋無以蒸成沛澤此實為惜乾之一端而旱則谿澗斷絕灌溉失利潦則沙石崩頽填關為害所以法典之設禁也苟非然者何以棄許多生穀之土不為斯民之食乎古人作事舉皆為經遠之圖而今人則全事苟簡惟計目前故如此等事一向拋置無復有語到者恐非制法之本意也其四曰堤內起壑之禁也築堤所以儲水儲水所以備旱苟使疏濬如法瀟洩以時則堤下疇隴俱成膏沃豈有乾枯失稔之患而小民無知苟圖咫尺之地今歲冒耕明年侵界以至於堤水盡涸而徒歸一夫之私竟貽千畝之害言念及此寧不寒心今此仰陳四條俱係國典所載非臣臆見而若謂之申明此禁以救目下遑汲之狀則比如臨渴掘井無以濟事苟使州郡長吏的知此禁為來後備豫之方則行之一歲必有一歲之效行之二歲必有二歲之效惟在以實心行實事勿以為一場閑語話而已以此意措辭關飭於諸道諸都條條禁斷亦以為守令黜陟之政何如上曰各別嚴飭俾有實效○命戶惠堂京納情費各別摘發○以朴容壽為吏曹叅議朴晦壽為漢城府判尹○癸未教曰圭璧之舉至于五次夙宵渴悶寢食靡安幸賴祖宗之靈得此甘

需豈可無告喜之舉乎報謝祭即為設行○甲申○乙酉○丙戌○丁亥大匡
輔國崇祿大夫領中樞府事洪奭周卒教曰此大臣遜荒凡幾年矣况先朝耆
舊次第凋零之餘逝單又至驚畫局已卒領府事洪奭周喪葬祭筭節自當按
例舉行祿俸限三年輸送奭周自童州攻文學以攝記注入侍正宗筵中下教
凡屢萬有餘言隨所承聆簌簌下筆載錄之及退不更一字正宗甚嘉之聞人
有異書必借讀乃已為文平澹無往復聳拔奇崛處而畢生劬績以經籍為性
命者殆近世所罕有也及為相全務侃侃持大體至於經濟事功嘗退然不居
蓋才具氣力自知甚審而然也○戊子○己丑○庚寅○辛卯○壬辰月有食
之○癸巳以任聖臯為禁衛大將○中批以趙秉龜為提戎使○甲午○乙未
○丙申○丁酉○戊戌○己亥都政下批以李時在為成均館大司成鄭基一
為司憲府大司憲興寅君景應為冬至正使李圭祊為副使趙鳳夏為書狀官
○庚子○辛丑○壬寅○癸卯○甲辰以閔致文為司諫院大司諫○乙巳○
丙午以趙秉鉉為吏曹判書○七月丁未上詣仁政殿月臺親傳宗廟永寧殿
秋享香祝○以李光正為戶曹判書朴晦壽為兵曹判書金左根為漢城府判
尹○戊申台見忠清右道暗行御史鄭基世于熙政堂罪前水使吳致賢公州

前判官洪明燮舒川郡守洪稷榮沔川郡守李用觀泰安前郡守鄭元箕海美
前縣監崔允瑾唐津前縣監嚴錫昂扶餘前縣監沈淳祖藍浦縣監黃仁煇石
城縣監河百源前縣監徐章淳等有差因御史書啓也○己酉○庚戌○辛亥
上御熙政堂引見大臣備局堂上○擢金英淳俞星煥趙鶴年金箕晚姜時永
為亞卿○命今年各道監試及東堂初試令道臣舉行○壬子以尹義倫為平
安道兵馬節度使○癸丑命長興主簿洪若弼嚴刑後黑山島定配若弼以庫
官索賂於長湍上納色吏吏至自刎死因領議政所奏有是命○甲寅○乙卯
右議政鄭元容劄曰臣於日昨公退之路有民抱狀疾呼南部諸民之為崔民
訟寃也出付秋曹查問其虛實則李民苦其債主崔民之索償乃生暗地除去
之計誘囑捕校冒加賊名濫施惡刑期於掩殺而捕校亦無執贓其受囑捉治
之實節節自服此不嚴懲實開後弊所犯諸人當自秋曹各罪其罪而捕將事
誠不勝慨歎知有民訴一不盤究安得免溺職乎該捕將捧現告施以譴削之
典批曰所陳事果如此則捕將事殊甚駭然所請依施○以李升權為右邊捕
盜大將○領議政趙寅永劄曰即見右相劄與聖批下者臣於此實有不敢自
安者日前有鑄洞居民成羣來訴者招問事端則乃此事也臣雖愚昧豈不知

若致誤捉則大關閭閻之疾苦而本事未覈之前雖知其橫權濫入不得徑先
攘掣者即以該廳事體不如是無以詞戢故也若自該廳覈之而真贓未執則
汝輩又為來訴也平民誤捉豈無當律云矣今因曹查前後事實登諸文蹟則
臣之莫察民隱遽退民訴者愧莫甚矣溺莫大矣短劄首實仰冀當勘之律批
曰事關捕廳論退羣訴自是事體之當然則在卿何引○丙辰右議政鄭元容
劄曰伏見領相自引之劄滿心惶慙靡所容措臣於伊日見民狀之事聞刑獄
故使秋曹一番覈實矣若使臣知該廳條例之有碍則寧有是也若使臣聞首
席曉諭而姑退則寧有是也臣臨事而全未周慎過事而輒多尤咎信心徑情
即臣一生病痛事由自己致使右僚難安則當之者晏然恬然斷無是理臣之
今日所值惟有威罰之過被而已批曰國體自國體民事自民事則領相自引
已極過當况於卿乎○丁巳○戊午命前訓將李惟秀仍任○己未○庚申以
尹致秀為成均館大司成○辛酉○壬戌○癸亥○甲子○乙丑○丙寅行都
堂會圈四點成好謙金鈞金炳奎柳興奎李晉祥金鎮右俞錫煥徐相教洪在
龍趙然昌李濟達成容默朴商壽鄭基世沈宜冕金益文申泰運沈敬澤趙龜
夏李玄功取二十人○以林景鎮為司諫院大司諫○丁卯上詣北苑行望拜

禮試叅班儒武賦居首金慎根武士麻夏帛趙存復並直赴殿試○戊辰召見
京畿暗行御史李濟達于熙政堂罪積城前縣監韓翼彥朔寧郡守李埈麻田
郡守金宜淳安山郡守李寬永江華經歷沈源祚利川府使沈環陽川縣監沈
正禮陽智前縣監金海植通津前府使金相宇前前府使尹明倫高陽前郡守
李時佐加平前郡守李正夏始興縣令尹日善陰竹前前縣監元錫九陽城縣
監任燧楊根郡守李寅在高陽郡守吳肯默等有差因御史書啓也○己巳○
庚午○辛未上詣仁政殿月臺行社稷秋享誓戒○壬申召見忠清左道暗行
御史李經在于熙政堂罪忠州前牧使俞碩柱堤川縣監沈能學全義縣監李
馨萬青山前縣監申命淵新昌前縣監全鳳周陰城前縣監申命準延豐前縣
監姜彛九成歡前察訪羅漢基文義縣令金晉根等有差因御史書啓也○癸
酉○甲戌以徐憲淳為漢城府判尹○乙亥○丙子○八月丁丑上詣社稷齋
宿○戊寅行社稷秋享○以金左根為工曹判書○己卯○庚辰○辛巳○壬
午台見平安道清北暗行御史林肯洙于熙政堂罪熙川前前郡守成永龜碧
潼前郡守李玄璣朔州府使申命洪渭原郡守韓元植郭山前郡守尹翼成嘉
山前郡守李明錫等有差因御史書啓也○中批以趙秉龜為訓練大將季完

植為摠戎使○癸未罷李完植以柳基常為摠戎使○甲申上詣太廟展謁秋
謁也○乙酉○丙戌召見全羅左道暗行御史李宗乘于熙政堂罪長興前府
使鄭冕榮樂安前郡守申在貞光陽前縣監沈宜泳潭陽前府使鄭文升雲峰
縣監許策和順縣監洪健厚長水縣監尹榮翼寶城前郡守南錫龜求禮前縣
監林相弼南原前府使南駿應淳昌前前郡守洪升淵樂安前前郡守金鼎
遠等有差因御史書啓也○丁亥上御春塘臺設秋到記講居首姜載璜製述
賦居首具相殷並直赴殿試○戊子○己丑召見江原道暗行御史李埈于熙
政堂罪杆城郡守鄭龜容平昌郡守李灌夏原州判官金鎮華金化縣監洪準
謨襄陽府使任序常江陵前府使柳榮河襄陽前府使尹秀寅通川前郡守任
序常伊川前府使李顯英旌善郡守李章培原州前前判官林迥鎮歙谷前前
縣令朱榮達洪川前縣監金啓泳鐵原府使李民植狼川縣監李珽寧越府使
宋應龍平康縣監洪配厚安峽縣監閔璜世等有差因御史書啓也○庚寅○
辛卯○壬辰上御仁政殿行日次儒生殿講○召見平安道清南暗行御史金
益文于熙政堂罪肅川前府使李熙庚三和前府使李倫叙价川前郡守李亨
夏順川前郡守李根永孟山前前縣監洪大朋平安前兵使金魯甲等有差因

御史書啓也○癸巳命日次儒生殿講比較以製代行銘居首趙龜植直赴殿試○召見全羅右道暗行御史趙龜夏于熙政堂罪全州前判官韓璵前判官洪益謨礪山前府使具聖魯益山前郡守李相佑古阜前前郡守李奎淵靈巖前前郡守具載善靈光前郡守趙在慶珍島郡守趙台顯前郡守李兢來前前郡守徐兗輔萬頃前前縣令孔彥周金溝縣令尹豫鎮咸悅前前縣監宋觀洙興德前前縣監李儒增井邑前縣監韓在益前前縣監吳基默高敞前縣監李閻求茂長前縣監俞鎮五務安前縣監李魯奎海南前縣監白樂聞前前縣監李鎮永龍安縣監李在周咸平前縣監沈東奎參禮前察訪崔重寔前前右水使李景純羣山前前僉使朴宗詰等有差因御史書啓也○甲午賜淮陽府使李賢耆重書表裏以江原道御史書啓中首褒也○乙未教曰日次殿講之連為設行即培養成就需用他日之意也日前兩儒生之二十次比較者可知其經課鍊熟子甚嘉之然而此不過通一經耳今若做專經文臣輪講之例今年應講者明年講他經再明年又用是例則不出三年當盡通三經其於勸課之方不為無助其令禮堂就議大臣定式施行○丙申○丁酉○戊戌召見黃海道暗行御史沈宜冕于熙政堂罪黃海前監司徐念淳海州前判官洪鍾浩

瑞興前府使鄭友容白川郡守洪翰周新溪前縣令朴醇壽康翎縣監李在翊
黃海前水使吳顯文前前水使申從鎬黃海前中軍張斗斌等有差因御史書
啓也○己亥設七夕製于泮宮○庚子命寧邊府使金鼎集遂安前郡守韓鎮
庭加資善治也○以徐英淳為吏曹叅判金興根為刑曹判書興根加堂也○
辛丑以李憲球為平安道觀察使○壬寅以朴永元為禮曹判書○召見慶尚
右道暗行御史金基績于熙政堂罪咸陽郡守姜彞文咸安郡守李熙鏞河東
府使李南轅金山郡守張照南海縣令金增三嘉縣令洪義人聞慶縣監鄭海
尚安義縣監閔致叙丹城縣監蔡臣永尚州前牧使李德秀星州前牧使申在
順金海前府使趙毅存河東前府使尹喜柱前前府使高惠鎮昆陽前郡守李
奎燦前前郡守洪大恒金山前郡守李能淵固城前縣令李熙廷咸昌前縣監
元有永泗川前前縣監洪義宣熊川前前縣監李鐘應恭原前縣監洪在儀召
村前察訪方允弼前統制使李升權前前統制使李鼎會前右兵使尹永培前
前右兵使趙元錫前統虞侯申晦應尚州前營將申在倫等有差因御史書啓
也○癸卯召見慶尚左道暗行御史金應均于熙政堂罪前左水使李圭徹寧
海府使李遠翊仁同前府使李熙冕順興前府使成龍申興海前郡守咸英錫

彥陽縣監許樟玄風前縣監金秀鐘軍威前縣監朴長廩英陽前縣監李俊英
等有差因御史書啓也○甲辰○乙巳以柳基常為右邊捕盜大將○上御熙
政堂引見大臣備局堂上○以趙存中為左邊捕盜大將安光直為司諫院大
司諫洪在詰為成均館大司成○九月丙午晝講于熙政堂○教曰是月初七
日即文孝世子周甲之辰也孝昌墓遣重臣攝行祭設行○丁未晝講于熙政
堂○戊申召見咸鏡道暗行御史沈膺泰于熙政堂罪咸興前中軍柳億鏡城
判官張洛賢前前判官吳正秀富寧前府使洪翼謨明川前府使李周詰長津
前府使鄭珪端川前府使洪近泳文川郡守李昂顯等有差因御史書啓也○
己酉○庚戌兵曹啓言郊行與城內動駕有異軍行比常時不同故幸行時堂
下官之紅色帖裏非徒為物采之美實係軍容之重而年前青色之變通雖出
節省之意今此特教詢問實為遵舊規之聖念臣意則堂下官之郊駕侍衛更
以紅色帖裏依前遵行似為得當矣允之○辛亥○壬子○癸丑○甲寅以任
恭瑛為全羅道兵馬節度使○乙卯行酌獻禮于綏陵懿陵○丙辰懿陵綏陵
親祭時陵官以下施賞有差○丁巳領議政趙寅永疏辭相職許之○戊午○
己未○庚申上御春塘臺行瑞慈臺兼行九日製賦居首洪鍾英直赴殿試○

辛酉○壬戌○癸亥以李敏德為全羅道兵馬節度使金善一為全羅右道水軍節度使○甲子○乙丑○丙寅○丁卯上行真殿茶禮○戊辰以金興根為司憲府大司憲趙錫龜為司諫院大司諫○己巳行注書薦趙秉駿李參鉉金翊鎮張仁遠李裕元李敬溥取六人○庚午○辛未○壬申○癸酉○甲戌○乙亥○十月丙子○丁丑召對於熙政堂○戊寅上詣仁政殿月臺親傳宗廟冬享香祝○召對於熙政堂○己卯○庚辰召對於熙政堂○辛巳○壬午以洪鍾應為成均館大司成○癸未召對於熙政堂○甲申○乙酉○丙戌○丁亥○戊子○己丑○庚寅○辛卯上御仁政殿行漢學文臣殿講及日次儒生殿講○命大司成洪鍾應施譴削之典以李啓朝代之日次講明日更試教曰今日日次殿講四學東齋儒生舉皆不赴云未知緣何事端而究其實則自歸於王命之力抗士習之角勝也世道至此寧不駭惋終當有嚴處之道而今日日次講姑先撤罷不能禁率之泮長施以譴削之典其代行副護軍李啓朝除授使之當日內修正單子以入先舉行後謝恩講則明日更試於仁政殿考官仍用命官舉行○壬辰○癸巳上御仁政殿行專經文武臣殿講○甲午召見三使臣

冬至 李至 謝恩 正使 典寅 君景 應

副使 李至 祔書 秋官 趙服 夏于熙政堂辭陞也○乙未○丙申○丁

酉命諸承旨持公事入侍上曰日前儒生事未知有何事端君父臨殿而儒生並不入來謂予未及察飭而為此放恣之習乎苟有嚴畏忌憚君父之心豈敢如是此後則各別教飭俾無敢更為此等之習可也都承旨李奎鉉曰臣之孫與左承旨洪學淵之子亦參齋任則臣等豈敢曰不知而伊日但見赴闕之狀而竟不應講則未即聞知以致自陷重罪惶悚之極不知所達矣○戊戌○己亥○庚子左議政金弘根從縣道再疏辭職許之○辛丑以洪敬謨為刑曹判書○壬寅○癸卯○甲辰○十一月乙巳○丙午○丁未○戊申○己酉○庚戌大匡輔國崇祿大夫判中樞府事金弘根卒教曰此大臣器識之宏偉秉執之峻嚴固如何而登庸無幾施措未展纔許釋負逝單遽至驚歎之外曷勝愴盡卒判府事金弘根喪喪葬諸節自當照例舉行祿俸限三年輸送嗣子待闋服調用成服日違承旨致祭弘根字毅卿器局峻整自韋布為士友所敬憚布袍皮薦以終其身不以文學自命而及其為公私文字也指陳敷暢極其所欲言乃止性宏濶而於事理物情極纖密釋褐十許年入中書而匪其志也遂巡退讓遂無所展施嘗曰志大才踈而妄欲猷為是聖人所訓愚而好自用者也○辛亥○壬子○癸丑○甲寅上御熙政堂引見大臣備局堂上右議政鄭元

容啓言保民之本惟在務農作農之具牛為最重近年以來此禁太弛村里場市宰屠狼藉自官不惟不禁或有設庖收稅之處牛盜恣行牛價倍騰窮村之厩養絕罕荒田之犂耕弊廢大關民事依律重繩該守令亦為隨聞論勸從之○禮曹判書朴永元啓言故宜寧府院君南在即開國元勲而配食廟庭之宗臣也逆臣秦徽以其嫡長戊申伏法後香火將至廢絕其諸族將以宗序擇定祀孫仰請朝廷處分云矣從之○乙卯教曰水原留守權敦仁拜相○以沈能俊為黃海道兵馬節度使○丙辰以徐憲淳為禮曹判書○丁巳○戊午○己未○庚申○辛酉○壬戌○癸亥○甲子以宋冕載為司憲府大司憲李穆淵為漢城府判尹○乙丑○丙寅○丁卯千歲曆刊進時監董官以下施賞有差○戊辰○己巳○庚午○辛未○壬申○癸酉○甲戌德源儒生南錫者在本生母喪諉以為人後降服過禫赴監試初試得中道臣啓請其罪命拔其榜徒流之○十二月乙亥○丙子司寒壇火罪祭官及祭監監察有差是日藏火祭日也○丁丑上御熙政堂引見大臣備局堂上左議政鄭元容啓言朝官之因罪就理者或有衰老及疾病人輒許保放調治而間因無端圖便者今則並與實病而一切防塞此不可無隨時濶狹之政此後則觀其病勢依舊例草記保

放之意分付金吾亦令政院知悉從之又答言頃因湖西左道暗行御史李經
在別單溫陽稅大同輸納于牙山漕倉冗費夥多郡民不願自今由中方浦自
本郡直納事並令道臣具意見詳察狀聞矣該監司狀啓今纔登徹而牙山則
以漕法慎重溫陽則以民弊爭難兩說各有依據而溫陽本以弊弊之邑今有
汲汲之慮允係懷保之方何憚更張之舉從之○以李穆淵為刑曹判書金興
根為漢城府判尹○戊寅○己卯○庚辰○辛巳○壬午命對馬島主子平義
章代察與島主平義質陞資事回答書契只以慶賀措語改撰下送○癸未○
甲申設柑製于泮宮賦居首金永壽直赴殿試○乙酉○丙戌○丁亥○戊子
○己丑以趙亨復為吏曹參議○庚寅上御仁政殿行日次儒生殿講○辛卯
設日次儒生殿講比較于仁政殿居首金敬鉉直赴殿試○壬辰教曰日案如
此內外各營入直軍兵及各門守門軍薄衣與流丐摘奸以來○癸巳○甲午
○乙未○丙申○丁酉○戊戌○己亥都政下批以朴岐壽為議政府左參贊
金道喜為漢城府判尹金興根為工曹判書金左根為司憲府大司憲李源達
為司諫院大司諫○庚子召見守令邊將初仕人于熙政堂○辛丑○壬寅○
癸卯以金道喜為司憲府大司憲○京兆獻民數五部及八道都元戶一百五

壬寅

卷之三十一

十

十六萬六千八百九十二戶人口男女并六百六十三萬四百九十一口

憲宗經文緯武明仁哲孝大王實錄卷之九

(B)
732.55
4724
[v.28]
no.5
0230298

昭和七年七月十五日印刷
昭和七年七月二十日發行

(景李朝實錄太白山本)

京城帝國大學法文學部

京城府蓬萊町三丁目六十二・三番地

印刷所 朝鮮印刷株式會社

(B)

732.55

4724

[v.28]

no.5